

**ACTA DA REUNIÓN EXTRAORDINARIA DA COMISION INFORMATIVA DE IGUALDADE,
POLÍTICAS SOCIAIS, FAMILIA E RETO DEMOGRÁFICO CELEBRADA O DÍA 5 DE SETEMBRO
DE 2025**

PRESIDENTA:

Dona María Sandra Bastos Míguez

VOGAIS:

Dona María Nava Castro Domínguez

**Don Roberto José Álvarez Carrero en
substitución de Dona Luisa María Sánchez
Méndez**

**Don Javier Tourís Romero en substitución de
Don Rafael Domínguez Artime**

Don Jorge Cubela López

Don Ricardo Martínez Chantada

Dona María Pilar Ramallo Vázquez

Don Manuel Alejandro Lorenzo Alonso

Don Jesús Vázquez Almuiña

Don Paco Ferreira González

Don Gregorio Luis Agís Gómez

Dona Digna Rosa Rivas Gómez

Don Gorka Gómez Díaz

Dona Nuria Rodríguez Rodríguez

Don Javier Iglesias Mougán

Dona María Manuela Rodríguez Pumar

Dona María Ortega Iñarrea

En Pontevedra, sendo a doce horas e quince minutos do día 5 de setembro de 2025, reúnense na Sala de Xuntas da Deputación de Pontevedra, baixo a Presidencia de Dona María Sandra Bastos Míguez, as señoras e señores deputados que ó marxe se sinalan, membros da Comisión Informativa de Igualdade, Políticas Sociais, Familia e Reto Demográfico

Actúa como Secretaria, Dona Ana Isabel Amoedo Garrido, coordinadora xeral Servizos Educativos do Centro Príncipe Felipe.

Aberta a Sesión pola Presidencia, adoptáronse os seguintes acordos:

1. APROBACIÓN DO BORRADOR DA ACTA DA SESIÓN ORDINARIA DO 24 DE XULLO DE 2025 (Expediente 2025052900)

A comisión acorda prestar aprobación, por unanimidade, a acta da sesión ordinaria celebrada o día 24 de xullo de 2025.



2. DAR CONTA DA CONVOCATORIA DOS II PREMIOS ÁS BOAS PRÁCTICAS EN IGUALDADE DA DEPUTACIÓN DE PONTEVEDRA (Expediente 2025047862)

Dende o Servizo de Igualdade elaboran informe para dar conta ás persoas asistentes á Comisión Informativa de Igualdade, Políticas Sociais, Familia e Reto Demográfico da convocatoria dos II Premios ás Boas Prácticas en Igualdade da Deputación de Pontevedra, cuxo contido literal é o seguinte:

*"A Deputación de Pontevedra, atendendo a un dos seus principios reitores, a igualdade de oportunidades entre mulleres e homes, quere distinguir ás persoas e entidades que realizaron actividades e prácticas eficaces relevantes na consecución da igualdade real de mulleres e homes, convocando os **II Premios ás Boas Prácticas en Igualdade da Deputación de Pontevedra**.*

A promoción da igualdade entre mulleres e homes, require a adopción de medidas de acción positiva, eficaces e reais, dirixidas a erradicar as situacións de discriminación que por razón de sexo sofren as mulleres e evitar todos aqueles obstáculos que impiden lograr unha participación equilibrada das mulleres e dos homes no ámbito público e privado.

Na primeira edición presentáronse un total de 56 candidaturas, cun total de 7 entidades premiadas e, a proposta do xurado, dúas distincións honoríficas.

Desde o punto de vista competencial, a igualdade como dereito recóllese nos artigos 9.2 e 14 da Constitución española, e tamén na Lei orgánica 1/1981, de 6 de abril, do Estatuto de Autonomía de Galicia. Ambas as normas sinalan que os poderes públicos teñen a obriga de promover as condicións para que a liberdade e a igualdade das persoas sexan reais e efectivas.

Na Lei orgánica 3/2007, de 22 de marzo, para a igualdade efectiva de mulleres e homes, que se constitúe como o marco xurídico e legal da igualdade entre mulleres e homes a nivel do Estado español; na Lei orgánica 1/2004, de 28 de decembro, de medidas de protección integral contra a violencia de xénero; e na Lei 7/2023, de 30 de novembro, para a igualdade efectiva de mulleres e homes de Galicia, recóllese que os poderes públicos, no marco das súas competencias, incorporarán medidas tendentes a acadar a igualdade efectiva e impulsarán campañas de información e sensibilización específicas co fin de previr a violencia de xénero.

Nesta liña, no artigo 36.1 d) da Lei 7/1985, de 2 de abril, reguladora das bases do réxime local, establécese como competencia propia das deputacións provinciais a cooperación no fomento do desenvolvemento económico e social e na planificación no territorio provincial.

Do mesmo xeito, no artigo 109.1 d) da Lei 5/1997, de 22 de xullo, de Administración local de Galicia, determináanse como competencias propias das deputacións o fomento e a administración dos intereses peculiares da provincia e, no artigo 118 d), a organización de concursos e exposicións e de calquera outra actividade cuxa finalidade sexa o fomento en materia de cultura, educación e deporte.



A Deputación de Pontevedra, a través do Servizo de Igualdade, establece estes Premios ás boas prácticas coa finalidade de distinguir ás persoas e entidades que realizaron actividades e prácticas eficaces relevantes na consecución da igualdade real de mulleres e homes. Mediante este premio recoñécense boas prácticas e experiencias proveitosas eficaces, para estimular as actuacións a favor da igualdade real entre mulleres e homes e a eliminación da violencia machista.

*Dentro da modalidade dos premios, haberá dúas categorías: **premios económicos e mencións honoríficas**:*

No apartado de premios económicos haberá catro modalidades:

- 1. Premio ás boas prácticas en materia de igualdade en entidades de iniciativa social; onde se premiaran aquelas entidades de iniciativa social sen ánimo de lucro que realicen actividades ou proxectos sobre a igualdade de xénero e/ou a erradicación da violencia de xénero.*
- 2. Premio á mellor iniciativa cultural en materia de igualdade; aquí premiaranse a persoas físicas e/ou entidades culturais sen ánimo de lucro que a través de actuacións artísticas, teatrais, musicais, literarias pola súa actividade para a consecución da igualdade de oportunidades de mulleres e homes.*
- 3. Premio á mellor iniciativa deportiva en igualdade; premiaranse a aquelas persoas físicas e/ou entidades deportivas que fomenten a práctica deportiva en condicións de igualdade entre nenas e nenos e/ou entre persoas adultas, rompendo cos estereotipos de xénero existentes e que contribúan a erradicación da violencia de xénero no deporte.*
- 4. Premio á mellor iniciativa educativa de igualdade; premiaranse centros públicos de educación que teñan incorporado no seu proxecto educativo a igualdade de oportunidades e a estean traballando nas distintas etapas educativas e/ou asociacións de pais e nais de alumnado que realicen nos centros educativos actuacións dirixidas tanto ao alumnado como ao profesorado e familias co fin de fomentar a igualdade de oportunidades entre mulleres e homes e a erradicación da violencia de xénero.*

En canto ás Distincións honoríficas, poderán ser propostas as seguintes distincións honoríficas:

- 1. Persoas físicas que pola súa traxectoria ou labor contribuísen á igualdade de oportunidades das mulleres ou á erradicación da violencia de xénero na provincia de Pontevedra, de forma continuada e relevante.*
- 2. Entidades locais da nosa provincia que elaboren ou implementen actuacións, medidas ou prácticas novidosas en materia de igualdade entre mulleres e homes e sobre as diferentes formas de violencia que se exercen sobre as mulleres.*
- 3. Entidades de iniciativa social sen ánimo de lucro que desenvolvan actividades e prácticas eficaces e relevantes na consecución da igualdade real de mulleres e homes, así como recoñecer as boas prácticas e experiencias proveitosas e eficaces para estimular as actuacións en favor da igualdade e da eliminación da violencia machista.*



4. *Organismos públicos que desenvolvan un labor destacado no ámbito da igualdade de oportunidades entre mulleres e homes e/ou da loita contra a violencia de xénero.*

A estes premios poderán concorrer as persoas físicas que estean empadroados nalgún concello da provincia de Pontevedra, entidades de iniciativa social, culturais, deportivas, sen ánimo de lucro persoas legalmente constituídas, centros educativos e asociacións de nais e pais de alumnado de centros sostidos con fondos públicos con sede social na provincia de Pontevedra, segundo o recollido nas bases reguladoras da convocatoria que foron publicadas no Boletín Oficial da Provincia de Pontevedra nº140 de 24 de xullo de 2025.

As candidaturas poderán presentarse no prazo dun mes contados a partir do día seguinte a publicación da convocatoria no Boletín Oficial da Provincia de Pontevedra (BOPPO) e ata o 1 de outubro de 2025.

Os premios que se convocan están dotados cun importe total de dezaseis mil (16.000,00) euros e, irán con cargo á aplicación orzamentaria 25/250.2315.480.06 do orzamento ordinario do organismo provincial.

Haberá un dotación económica de catro mil (4.000) euros por modalidade. En cada modalidade haberá un primeiro premio de 3.000 € e un accésit de 1.000€. Segundo o caso, estes premios estarán suxeitos á retención do IRPF correspondentes á lexislación vixente no momento da resolución.

As mencións honoríficas non conlevan premios económicos senón que as persoas ou entidades locais recibirán un documento acreditativo da concesión do premio”.

A Comisión Informativa de Igualdade, Políticas Sociais, Familia e Reto Demográfico queda enterada do contido de dito informe.

3. DAR CONTA DA CONVOCATORIA DA V EDICIÓN DOS PREMIOS MULLERES NO FOCO (Expediente 2025054564)

Dende o Servizo de Igualdade elaboran informe para dar conta ás persoas asistentes á Comisión Informativa de Igualdade, Políticas Sociais, Familia e Reto Demográfico da convocatoria da V edición dos Premios Mulleres no Foco, cuxo contido literal é o seguinte:

*A Deputación de Pontevedra, atendendo a un dos seus principios reitores, a igualdade de oportunidades entre mulleres e homes, un ano mais, quere dar apoio ás mulleres galegas do sector audiovisual convocando a **quinta edición dos Premios #Mulleres no foco**.*



Dada a invisibilidade que sofren as mulleres e súa menor presenza, especialmente nos postos relacionados coa toma de decisións e nos de maior prestixio social, dende a Deputación en colaboración coa Asociación de Mulleres Cineastas e de Medios Audiovisuais (CIMA), convoca por quinto ano, estes premios co fin de por en valor o traballo da muller no audiovisual galego, e mudar as cifras de infrarrepresentación actuais das profesionais do sector.

Unha vez emitidos os respectivos informes favorable de Secretaría Xeral e Intervención, segundo consta no expediente (Cód. Expediente 2025054564), aprobábanse pola Resolución presidencial núm. RP2025006765, de 12 de agosto de 2025, as bases que rexen a convocatoria da V Edición dos Premios #Mulleres no foco, sendo publicadas no Boletín Oficial da Provincia Núm. 159, do 22 de agosto de 2025.

Trátase dunha convocatoria aberta para a recepción de candidaturas nas que se recoñecen a achega destacada de mulleres profesionais no audiovisual galego, preferentemente a través dunha obra realizada e presentada ou dun labor profesional especialmente salientable levado a cabo durante o ano 2024, ou tamén a súa traxectoria profesional consolidada.

As candidaturas os premios #MULLERESNOFOCO, correspondentes o ano 2025, serán presentadas polas persoas que conformen o xurado dos premios ou polas entidades locais, culturais ou profesionais de ámbito galego que pola súa natureza, fins ou obxectivos estean relacionadas co sector audiovisual.

As premiadas nas pasadas edicións non poderán ser propostas para esta quinta edición.

As candidaturas poden presentarse no prazo dun mes, contados a partir do día seguinte a publicación desta convocatoria no Boletín Oficial da Provincia de Pontevedra (BOPPO). O prazo de presentación remata o 22 de setembro de 2025.

A contía total prevista para estes premios será de 15.000 €, con cargo á aplicación orzamentaria 25/250.2315.480.03, do vixente orzamento provincial. Haberá 3 premios con cadansúa dotación económica de 5.000€.

As Bases reguladoras da convocatoria quedan redactadas de dita forma:

"Bases reguladoras da quinta edición dos Premios #Mulleres no Foco"

A Deputación de Pontevedra, atendendo a un dos seus principios reitores, a igualdade de oportunidades entre mulleres e homes, é consciente da necesidade de dotar de recursos que creen as condicións necesarias para reducir as fendas de xénero aínda existentes.

Por iso, un ano máis, convoca unha nova edición dos Premios #Mulleres no Foco de apoio ás mulleres do sector audiovisual, dado que, aínda a día de hoxe, tal e como se recolle en diferentes estudos, as mulleres seguen precisando apoio e visibilidade na maior parte das profesións vinculadas a este sector, feito que se acentúa nos postos relacionados coa toma de decisións e nos de maior prestixio social.



Estes premios, promovidos pola Deputación de Pontevedra en colaboración coa Asociación de Mulleres Cineastas e de Medios Audiovisuais (CIMA), teñen como obxectivo poñer en valor o traballo da muller no audiovisual galego co fin de mudar as cifras de infrarrepresentación actuais das profesionais do sector.

Trátase dunha convocatoria aberta á recepción de candidaturas, nas que se distinguirán perfís con perspectiva de xénero, activistas polo recoñecemento da muller no sector e impulsoras do emprego feminino no audiovisual galego, obviamente, alén da súa traxectoria persoal e do seu talento.

A igualdade como dereito está recollida nos artigos 9.2 e 14 da Constitución española e tamén na Lei orgánica 1/1981, de 6 de abril, do Estatuto de autonomía de Galicia. En ambas as normas sinálase que os poderes públicos teñen a obriga de promover as condicións para que a liberdade e a igualdade das persoas sexan reais e efectivas. O principio de igualdade de trato entre mulleres e homes supón a ausencia de calquera discriminación, directa ou indirecta, por razón de xénero en todos os ámbitos da vida, concretamente nas áreas económica, social, laboral, cultural e educativa.

Na Lei orgánica 3/2007, de 22 de marzo, para a igualdade efectiva de mulleres e homes, que se constitúe como o marco xurídico e legal da igualdade entre mulleres e homes no ámbito de todo o Estado español; na Lei orgánica 1/2004, de 28 de decembro, de medidas de protección integral contra a violencia de xénero; e na Lei 7/2023, de 30 de novembro, para a igualdade efectiva de mulleres e homes de Galicia, recóllese que os poderes públicos incorporarán, no marco das súas competencias, medidas tendentes a acadar a igualdade efectiva e impulsarán campañas de información e sensibilización específicas co fin de previr a violencia de xénero.

No artigo 36.1.d da Lei 7/1985, de 2 de abril, reguladora das bases do réxime local, establécese como competencia propia das deputacións provinciais a cooperación no fomento do desenvolvemento económico e social e na planificación no territorio provincial.

Do mesmo xeito, no artigo 109.1.d da Lei 5/1997, de 22 de xullo, de Administración local de Galicia, determináanse como competencias propias das deputacións o fomento e a administración dos intereses peculiares da provincia, e no artigo 118.d, a organización de concursos e exposicións e de calquera outra actividade cuxa finalidade sexa o fomento en materia de cultura, educación e deporte.

Por iso, a Deputación de Pontevedra establece as bases reguladoras dunha nova edición, ao abeiro do establecido na Lei 38/2003, de 17 de novembro, xeral de subvencións (LXS); na Lei 39/2015, de 1 de outubro, do procedemento administrativo común das administracións públicas (LPACAP); na Ordenanza reguladora de subvencións da Deputación de Pontevedra; e na demais normativa de aplicación, de acordo coas seguintes



BASES REGULADORAS

Primeira. Obxecto

Constitúe o obxecto destas bases regular a convocatoria dos Premios #Mulleres no Foco, cuxa finalidade é incentivar, apoiar e recoñecer o papel das profesionais galegas do audiovisual para incidir de forma directa na súa participación e promoción no sector.

A participación e a concesión dos premios efectuaranse en réxime de concorrencia competitiva, de acordo cos principios de publicidade, transparencia, obxectividade, igualdade e non discriminación, ademais dos de eficacia no cumprimento dos obxectivos fixados e de eficiencia na asignación e no uso dos recursos públicos.

Segunda. Orzamento

Os fondos destinados a estes premios irán con cargo á aplicación 25/250.2315.480.03 do Orzamento ordinario do organismo provincial e o importe máximo será de quince mil euros (15.000 €).

Terceira. Premios

Os premios recoñecen a achega destacada de mulleres profesionais no audiovisual galego, preferentemente a través dunha obra realizada e presentada ou dun labor profesional especialmente salientable levado a cabo durante o ano 2024, así como mediante o recoñecemento dunha traxectoria profesional consolidada, do talento emerxente ou do papel das pioneiras que abriron camiño no sector.

Haberá tres (3) premios con cadansúa dotación económica de cinco mil euros (5.000 €).

As premiadas nas pasadas edicións dos Premios #Mulleres no Foco non poderán ser propostas para esta nova edición.

Estes premios estarán suxeitos á retención do IRPF correspondente á lexislación vixente no momento da resolución.

Antes da entrega dos premios, as persoas premiadas deberán declarar responsablemente que están ao corrente das súas obrigas tributarias coa Axencia Estatal de Administración Tributaria, coa Axencia Tributaria de Galicia, coa Seguridade Social e coa Deputación de Pontevedra.

O premio pagarase mediante transferencia á conta bancaria indicada pola persoa premiada, da que esta sexa titular.

O xurado reservará o dereito a declarar deserto algún dos premios.



Cuarta. Xurado

As premiadas serán seleccionadas por un xurado, nomeado para estes efectos mediante unha resolución presidencial, que estará composto por:

- *Presidenta: a xefa do Servizo de Igualdade ou a persoa en quen delegue.*
- *Secretaria: unha técnica do Servizo de Igualdade.*
- *Vogais:*
 - *O xefe do Servizo de Cultura ou a persoa en quen delegue.*
 - *Unha persoa designada pola Academia Galega do Audiovisual.*
 - *Unha persoa designada pola Asociación Galega de Profesionais da Dirección e Realización (CREA).*
 - *Unha persoa designada pola CIMA.*
 - *Unha persoa designada pola Asociación de Actores e Actrices de Galicia (AAAG).*
 - *Unha persoa designada pola Asociación Sindical Galega de Guionistas (AGAG).*
 - *Unha persoa designada pola Coordinadora Galega de Festivais (Proxecta).*
 - *Unha persoa designada pola Asociación Galega de Produtoras Independentes (AGAPI).*

Esta resolución de nomeamento publicarase na Sede electrónica da Deputación de Pontevedra.

O xurado analizará as candidaturas presentadas e valoraraas tendo en conta a traxectoria e o talento das candidatas, a inclusión da perspectiva de xénero nos seus traballos e o activismo na defensa e no recoñecemento do talento feminino no sector audiovisual.

O xurado poderá contar coa presenza e coa asistencia de persoas expertas nas diferentes áreas e solicitar canta información adicional considere oportuna para resolver.

As persoas integrantes do xurado percibirán as indemnizacións correspondentes por gastos de asistencia ás reunións nas que se redacte acta, nas mesmas condicións que os cargos electos, cos importes establecidos na base 52.^a.2.b do Orzamento ordinario da Deputación de Pontevedra de 2025. Estes gastos imputaráselle á aplicación orzamentaria 25/250.2315.226.99.

Quinta. Presentación das candidaturas

As candidaturas aos Premios #Mulleres no Foco serán presentadas polas persoas que formen parte do xurado dos premios ou polas entidades locais, culturais ou profesionais de ámbito galego que pola súa natureza ou obxectivos estean relacionadas co sector audiovisual.

As candidaturas presentaranse por vía electrónica a través do formulario normalizado dispoñible na Sede electrónica da Deputación de Pontevedra (<https://sede.depo.gal>). Para isto, a sede admite os certificados electrónicos do sistema Cl@ve, que contempla a utilización de sistemas de identificación baseados en claves concertadas (sistemas de usuario e contrasinal) e certificados electrónicos (incluído o DNle).



Sexta. Prazo para a presentación de candidaturas

As candidaturas presentaranse no prazo dun (1) mes, contado a partir do día seguinte ao da publicación desta convocatoria no Boletín Oficial da Provincia de Pontevedra (BOPPO) e na Base de Datos Nacional de Subvencións.

Sétima. Documentación

Xunto coa solicitude deberá achegarse a seguinte documentación:

- *Curriculo da candidata.*
- *Proposta razoada, na que se inclúa información sobre o proxecto ou o labor salientable realizado en 2024, traxectoria profesional consolidada e/ou o talento emerxente polos que se propón como candidata.*
- *Calquera documentación que se estime necesaria para a posterior valoración por parte do xurado.*

Esta documentación presentarase por vía electrónica. Excepcionalmente, a Deputación de Pontevedra poderá requirir que se amose o documento orixinal para cotexalo coa copia electrónica achegada.

Oitava. Instrución e resolución do procedemento

A instrución do procedemento corresponderalle á xefa do Servizo de Igualdade.

A concesión aprobara a o órgano competente, logo da fiscalización de Intervención.

A resolución derivada da decisión do xurado farase pública no BOPPO, de conformidade co establecido no artigo 45 da LPACAP. Así mesmo, tamén se publicará en www.depo.gal. Ambas as publicacións expresarán o réxime de recursos correspondente.

O ditame do xurado será inapelable.

Novena. Acto de entrega dos premios

Os Premios #Mulleres no Foco entregaranse nun acto público, convocado para tal fin, no que se poñerán en valor a traxectoria das premiadas e o papel destacado das mulleres no sector audiovisual.

A Deputación de Pontevedra notificaralles ás premiadas, coa suficiente antelación, a data e mais o lugar de realización da entrega dos premios.

Décima. Pagamento

O aboamento dos premios realizarase unha vez publicada a resolución definitiva. Así mesmo, de



acordo co establecido no artigo 101 da Lei 35/2006, de 28 de novembro, do imposto da renda das persoas físicas, a retención que se lles practicará ás premiadas que sexan persoas físicas será do 15 % do importe.

Décimo primeira. Protección de datos

Os datos persoais obtidos neste procedemento serán tratados pola Deputación de Pontevedra, en calidade de órgano responsable, coa finalidade de xestionar este procedemento, verificar os datos e os documentos que a persoa interesada declare na súa solicitude para comprobar a súa exactitude e levar a cabo todas as actuacións administrativas que, no seu caso, deriven.

A lexitimación para o tratamento dos datos baséase no cumprimento dunha tarefa de interese público ou no exercicio de poderes públicos segundo as normas de rango legal recollidas no apartado "Normativa aplicable", dispoñible na ficha de procedemento en <https://sede.depo.gal>.

Os datos persoais obtidos neste procedemento serán obxecto de comunicación ás administracións públicas no exercicio das súas propias competencias ou cando sexa necesario para que a cidadanía poida acceder de forma integral á información relativa a unha materia.

As persoas interesadas poderán acceder, rectificar e suprimir os seus datos, así como exercer outros dereitos ou revogar o consentimento segundo o previsto en <https://depo.gal/proteccion-de-datos/exercicio-de-dereitos>."

A Comisión Informativa de Igualdade, Políticas Sociais, Familia e Reto Demográfico queda enterada do contido de dito informe.

4. ROGOS E PREGUNTAS.

Non se levan a cabo intervencións neste apartado.

E non habendo máis asuntos, a presidenta levanta a sesión, sendo ás doce e vinte minutos, do que eu, como secretaria, dou fe.

Asinada dixitalmente na data que figura na marxe.

